



QR коди орқали газетанинг электрон варианты юклаб олинг!

## 18 февраль – Ўзбекистон “Адолат” СДП ташкил топган кун



“Адолат” социал-демократик партияси ижтимоий адолат, социал-демократияни мустақамловчи куч сифатида сиёсий майдонга чиққанига 29 йил бўлди.

1995 йилнинг 18 февралда пойтахтимизда бўлиб ўтган Ўзбекистон “Адолат” социал-демократик партиясининг таъсис курултойида иштирок этган 185 нафар делегат Ватанимиз мустақиллигини янада мустақамлаш, республикада демократияни ривожлантириш, ҳуқуқий давлат куриш жараёнларини тақомиллаштириш, қонун устуворлигини таъминлаш мақсадларидан келиб чиққан ҳолда сиёсий партия тузиш юзасидан қарор қабул қилган эди.

“Адолат” номини олган бу сиёсий куч ўша пайтда нафақат Ўзбекистонда, балки Марказий Осиёда ягона социал-демократик йўналишдаги сиёсий партияга айланди. Таъсис этилган йили партиямиз

аъзолари сони 3 400 нафарни ташкил этган бўлса, буёунги кунга келиб “Адолат” СДП ўз сафида 620 минг нафардан зиёд аъзоларни 7 338 та бошланғич партия ташкилотига бирлаштирган.

Ўзбекистон “Адолат” СДП Сиёсий Кенгашига турли йилларда Анвар Жўрабоев, Турғунпўлат Даминов, Дилором Тошмухамедова, Исмоил Саифназаров, Нармон Умаров, Баҳром Абдуҳалимовлар раислик қилишган. Айни пайтда партия Сиёсий Кенгаши раиси сифатида Робохон Махмудова фаолият юритмоқда.

“Адолат” СДП Сиёсий Кенгаши барча аъзоларини, хайрихоҳларини партия ташкил топганлигининг 29 йиллиги билан қутлайди!

Ўзбекистон “Адолат” СДП Сиёсий Кенгаши



## Заҳириддин Муҳаммад Бобур таваллудининг 541 йиллиги

Азм айла сабо, ет гули хандонимга,  
Не гулки, қуёшдек маҳи тобонимга.  
Етгил доғи иштиёқ ила Бобурдин,  
Зинҳор дегил салом туққонимга.



## Адолат, нафис шеърят, серқирра ижод рамзи

Адиб, олим, саркарда, йирик давлат арбоби Заҳириддин Муҳаммад Бобур таваллудининг 541 йиллиги муносабати билан Адиблар хиббонидаги шоир хайкали пойида “Ёшларни ватанпарварлик руҳида тарбиялашда Заҳириддин Муҳаммад Бобур меросининг ўрни ва аҳамияти” мавзусида маънавий-маърифий тадбир бўлиб ўтди.

Тадбир аввалида ҳарбий хизматчиларнинг тантанали саф юриши ўтказилди. Шундан сўнг Бобур хайкали пойига ижодкорлар, кенг жамоатчилик вакиллари иштирокида гулчамбарлар қўйилди.

Ўзбекистон Ёзувчилар уюшмаси раиси, Ўзбекистон халқ шоири Сирожиддин Саййид икки буюк Уйғонув даврига асос солган мутафаккир бобокалонларимиз меросини ўрганиш эндиликда тобора долзарб аҳамият касб этаётганини таъкидлади.

– Буёун дунёда мураккаб мафкуравий жараёнлар кечаётган бир пайтда буюк аждодларимиз асарлари, уларда тараннум этилган ғояларни ўрганиш муҳимдир, – деди С.Саййид.

– Бир лаҳза ҳам ором, тинчлик билмаган Заҳириддин Муҳаммад Бобур номига неки ззу таърифлар бўлса тўғри келади. Алишер Навоийнинг “Олам аҳли, билингузим, иш эмас душманлик...” деган сатрлари айнан Бобурнинг ҳаётини интилишларида устувор эди. Буёун мамлакатимизнинг ҳар бир гўшасида Бобур таваллудининг 541 йиллиги кенг нишонланаётгани улур

ажодларимиз меросига бўлган эътиборини намунасидир.

Тадбирда Жамоат хавфсизлиги университети тарбиявий ва мафкуравий ишлар бўйича ўринбосари, полковник Иқромжон Маҳмудов, мазкур университет талабаси Фахриёр Бахтиёр, тарихшунос олим Жумабой Раҳимов ва бошқалар Бобур асарларининг аҳамияти хусусида сўзлади.

– Бобур асарларида тараннум этилган ватанпарварлик, бунёдкорлик, ҳалоллик, ростуёлик ғояларини ёшларга етказиш буёунги кунда ғоят долзарбдир, – деди Жамоат хавфсизлиги университети профессори Сайёра Тўраева.

Маърифий тадбирда ёш ижодкорлар, курсантлар томонидан Бобур ғазалларидан намуналар ўқилди. Ҳарбийларнинг шоирнинг ҳаёти ва ижодига бағишланган саҳна кўринишлари намойиш этилди.

Анжуман доирасида китоблар, тарихий асарлар кўргазмаси ҳам ташкил этилди. Талаба-ёшларга Заҳириддин Муҳаммад Бобур ижодида оид китоблар тухфа этилди.

Манба: uza.uz



## УШБУ МАҚОЛАНИ СУНЪИЙ ИНТЕЛЛЕКТ ЁЗАЁТГАН БЎЛИШИ МУМКИН...

“Midjourney Artificial Intelligence” платформаси берилган таърифга кўра персонаж қиёфасини чизиб бермоқда. Бу тизимдан миллий адабий асарларимиз қаҳрамонларининг таърифи асосида фойдаланиб кўрилади. Дастлаб Абдулла Қодирийнинг “Ўткан кунлар” асарида келтирилган изоҳга кўра Кумуш қиёфаси ижтимоий тармоқларда кенг тарқалди. Сўнг Отабек, кейин Зайнаб. Сунъий интеллект тақдим этган суратларни ижтимоий тармоқ фойдаланувчилари фильмдаги актёрларга ўхшаб тасвирланганини таъкидлашган. Ўткир Ҳошимовнинг “Икки эшик ораси” романи қаҳрамони Раъно суратининг эса асардаги таърифга жуда мос келгани ҳақида ёзишган.



## ҲУЖЖАТ КЕРАКМИ, МАРҲАМАТ!



Масалан, балоғат ёшига етганида “метрика” бўлмагани учун паспорт ололмайди. Ҳужжат тўғрилашга ҳаракат қилганида ҳам бирламчи ҳужжат бўлмагани учун ҳеч бир идорада иши битмайди.

Шу тариқа ҳужжатсизлик ортидан жуда кўп қийинчиликлар келиб чиқади. Мактабга қабул қилинмайди, аттестат ололмайди, қонуний ишга киролмайди, пенсия масаласи ҳам муаммо бўлади. Энг ёмони, яшаб турган давлатининг қонуний фуқароси деган ҳужжат бўлмаса, кўнгил ҳам кемтик бўлади. Бунинг устига, фуқаронинг муҳим ҳужжатларга эга эмаслиги унинг фарзандлари, оила аъзолари ва яқинларига бевосита таъсир қилади. Яратилган ижтимоий имкониятлар, имтиёزلардан маҳрум бўлади.











